

2 Teol. 5196
1. 311.
3789
F A M A
Triumphantis Sanctimonix
D. JOANNIS
NEPOMUCENI,

Sacræ The: & I. V. DOCTORIS,
CANONICI Cathedralis Pragensis,
Thaumaturgi, ob servatum Sanctæ Confessionis Sigillum

MARTYRIS, famâ periclitantium Singularis
P A T R O N I
à Romanis Collibus

viva voce
S. D. N. BENEDICTI XIII.

ad Turres
Metropolitanæ Urbis Cracoviensis
R E F R A C T A.

Orbe Vniverſo Reſonans

Dum
Solennis Ejuſdem Sancti
ad Eccleſiam Divi ADALBERTI, in Circulo Cracoviensi,
promotione Confraternitatis Literatorum, & aliorum Cultorum,
ex Baſilica Cathedrali Cracoviensi fieret

I N T R O D U C T I O.

A
M. MARCO ANTONIO KARGOLEWSKI,
Artium Liberalium, & Philoſophiæ in Alma Vniuerſitate
Cracoviensi DOCTORE & PROFESSORE.


brevibus paginîs

C E L E B R A T A.

C
Famam & Salutem Generis humani Reparantis DEI Hominis,
MDCCXXIX. Die XVII. Septembris

V I Æ, Typis Iacobi Mátvafzkiewicz S. R. M. Typographi.

116312



393820 III

Qui solitus Famæ cunctorum vota tueri
Haud Famam vitæ poscis habere Tuæ
Sed vanam mundi cupiens excedere laudem.
Extendens palmas, tendis ad astra Poli
Hinc magis inspiciet mundus Te Sancte Patrone
Qui Sancta vitâ, clarus in Orbe nites.

N^o 313

Augustissimæ Cæli Terræq;
D O M I N Æ
Immaculatè Conceptæ VIRGINI
M A R I Æ,
DEI Hominis MATRI
M A R T Y R V M
R E G I N Æ.



*Acratissimo pedum Tuorum calcaneo, quò
ad salutem generis humani caput Serpen-
tis contrivisti, cui se Luna inflectit ac
arcuat supplantanea, et tam Cælum-
quàm terra supplex adorat, non profa-
num sed Sacrum opus utinam te Regi-
na dignum unâ mecum substerno. Si-
quid etenim vel ingenij hominibus, vel fortuna suppetit id
Tibi post DEUM uni debemus, per cuius manus omnia à
DEO accepimus. Verè MARIA Nomen Sanctum Tuum,
inexhaustum gratiarum Cælestium pelagus, in quod Ganges
Hyda-*

Hydaspesq; Divinorum beneficiorum, unde ditemur, delabun-
 tur. Depromant secula, quinimo aternitas tota, ex Te pre-
 tiosissima necessitati & ornamento cymelia, Tu ex intemera-
 tis visceribus Tuis, quâ terram Cælo, hominem DEO ne-
 xuisti suggessisti hypostaticam unionem digna ex Ancilla Do-
 mini fieri **MATER DEI**, ex statu Creaturae, in solio æ-
 terni Regis collocari. Tua sunt omnia, quia à Te, etiam
 & Divorum Sanctitas, & invicta Martyrum fortitudo.
 Famam triumphantis Sanctimonie **D. NEPOMVCENI**
 per Ecclesiam approbatam, vivæ vocis oraculò summi in
 Terris Filij Tui Vicarij declaratam benigna suscipe. Ut
 viveret Orbi **IOANNES** fecunditas sterilibus Parentibus
 per Te à DEO impetrata, ne immaturè ingravescente
 morbo obiret, & ad meritum Sanctorum perveniret. Tu lan-
 guenti incolumitatem tribuisti. Vixit ad Doctores laureas,
 ad Ecclesiasticas illasq; Cathedrales functiones, vixit deniq; ad
 Martyrum immarcescibiles palmas, absq; dubio Tuo spiritu,
 quia totus quâ vitæ innocentia, qua erga Te singulari de-
 votione Marianus. Propè eundem participem gloriæ Tuæ
 esse voluisti: Tibi coronam Stellarum duodecim Cæli, illi
 Stellarum quinq; inter undas superfuso Sacro Corpori nexu-
 erunt. Donum Tuum gratiosum **IOANNES**, Tibi re-
 deat in munus, grata **DEO NEPOMVCENVVS** Mar-
 tyr hostia, meritiò Tibi Matri offeratur, Ergo **NEPOMV-**
CENVM respice tecum in Cælesti triumphantem Patria &
 unâ cum illo Famæ illius precones benedic ac tuere viatores.



Nov. 109.

F A M A

Triumphantis Sanctitatis D. JOANNIS NEPOMUCENI,

Sancta D. JOANNIS NEPOMUCENI Nativitas, precibûs piorum Parentum à B. V. MARIA impetrata.

Singulare pretium Orbis NEPOMUCENUS,
carò à Cælis emi debuit quia precibûs
Nam veluti naturaliter superi IOANNEM nobis inviderent,
nonnisi eum dedere Parentibus per MARIÆ gratiam.

Emissæ sunt tot voces versûs aras,
ut hic Mystes nasceretur,
tot suspirià alto de pectore ducta,
ut cordis humani delictum; iam tandèm oculis spectaretur:
Qui tot votis, tot affectuum moribûs poscebatur.

Recurrunt pia sollicitudine Parentes,

B

ad

ad DEI Genitricem

Qui per manus MARIE omnia à DEO dari hominibus norunt
per eandem suæ sterilitati,

Saltem unicum poscunt dari IOANNEM.

Fons signatus M A R I A speciali privilegiò

ad vota enixè petentium referatus,

hunc laticem, Orbem totum Sanctitate sua non latentem fudit,
cùm sua intercessione Divum mundo intromisit.

In quo igitur defecerit natura,
in eodem superabundavit MARIE gratia.

Miraculum fuit exultasse in Vtero ELISABETHÆ

ad Marianum adventum Infantem Baptistam,

& iam venisse NEPOMVCENVN sterilibus Parentibus

ob MARIE gratiam penè prodigium.

Ille ut una vox Clamantis fieret & quidem in deserto

hic ex concinnis vocibus publica totius Orbis Fama:

ille ut peccata palam argueret, hic ut celaret.

Genus viperarum (Herodem intelligo,) ille prescit,

hic coronatum triplici diademate monstrum VLADISLAVM,
servatò Sacræ Confessionis sigilliò confudit.

Famæ Patronus singularis,

ope MARIE tantum nesci potuit & debuit,

quæ sine labe concepta.

Primorum Parentum infamiam,

omnes posteros Adæ afficientem delevit.

Aurora consurgens!

Lucina NEPOMVCENO fuit commodissima,

eius gratiâ sibi prodromante,

lucem

215
317
lucem genitus aspexit
tota vita solem Iustitiæ contemplatur.

*Sanctam D. JOANNIS NEPOMV-
CENI Nativitatem, lumen Domui illius
circumfused, prodigiosè demonstrat.*

Adeste huc curiosi Astrorum observatores,
cùm IOANNES nascitur.

Lux Domui circumfusa exoritur,
novas formate prognoses.

Infanti servio Tullo, caput dormienti arsit,
futurum lumen Romani Regni,
à Vatibus definitus.

Nascente IOANNE, lumina emicant;
in lucem gentium & Imperiorum assurget.

Veniet tempus, adlabetur ille sæculi tractus,
quo primæ Magnitudinis sydus demonstrabitur.

Virtus illius ac integritas ita radiabit
ut ab oriente in occidentem,

à meridie in Septentrionem, appareat spectatori

oculo lucidissima.

Conjunctum Sacra unione

Soli Iustitiæ

Phænomenon IOANNES,

318
in perpetuas lucebit æternitates;
etsi quempiam hominum errare contigerit,
per NEPOMVCENV M Famæ suæ Patronum,
in viam Salutis æternæ,
in boni Nominis iter dirigetur.

*Sancta D. JOANNIS NEPOMV-
CENI, sub cura piorum Paren-
tum pueritia.*

E Cælo nacti IOANNEM Parentes,
Ei Cælo convenientem præbent institutionem;
renatus aqua baptismali,
Aquarum Martyr futurus:
levari debuit ab hoc fonte, ut ad meritum
ipsi celsisset submersio.

Ianua Sacramentorum Baptismus, ideoq; & meritum;
gratis laboraremus, si nobis hæc gratia prima non daretur
nihil quidquam proficit, si hoc unicum donum deficit;
renasci ex aqua & Spiritu Sancto convenit,
si ad gloriam æternam emergere,
& puris illis Spiritibus Empyreï Incolis
purissimoq; Actui D E O T. O. M. jungi exoptamus,
gratiæ Divinæ rivô lavatus IOANNES,
semper candorem innocentia retinuit.
Solutus crepundiis infantilibus,
sed non ad puerilem juventam;

totus

319
320
totus in DEVM compositus
ad normam senilis pietatis

Manus cæterosque artus formavit puellus:
crevit ætate, sucrevit pietate.

Domum DEI Ecclesiam
magis quàm Parentum adamavit ædes,
ex his ad illam semiduobusmilliaribûs distantem
quotidie decurrit devotione promptissimus
suo tempore Mystes facerrimus.

DEO oblaturus hostiam
Continuum Mystis se præbuit ministrum.
sacrificio tremendo duxit inservire
non sine religioso timore.

Ad Thaumaturgam Virginis Imaginem
cor suum pro devoto Anathemate appendebat,
nonquam longum censuit tædium
diutissimè assistere Ecclesiæ ministris,
ad meridiem protensa devotio
non IOANNEM vidit à pietate remissum
Post Sacras oblationes pluribus Præbiteris
affirmantibus Missa fuit
altare IOANNES non dimisit.

Vix iter versùs Domum arripuit,
Cum in ædibus marianis cursus Missarum
sibi ordinate succedentium cessavit.

Crepusculum IOANNEM Domò expedit quem vix meridies
à tem-

018
320/a templo amovit, vesper redeuntem

Domi suæ excepit.

a Polporo ad Hesperum

Semper eundem retinuit IOANNES tenerrimus tenorem,

Illi per sacrificia elabebantur horæ

& momenta per passus huc euntis

indeq; redeuntis effluebant.

strenuus in parvo Corpore Athleta.

cum ipsis superis concurrebat,

qui ut semper Divorum esset inquilinus

quotidie voluit esse peregrinus.

Deficientes continuo itinere vires

Deficiente usque sole refecit,

Vniusque diei cibus fiebat alterius IOANNI Viaticum;

Qui teste Sole pro Cælo multa per diem egit,

Spectantibus usque Stellis

absque prandio, merendaque

meritissimus Adolescens parcissimè cænatus.

Sancta D. JOANNIS NEPOMUCE.

NI studia Academica promotio, & Do-

ctoralis in Cathedra Pragensi honor.

Domi Sanctis moribus imbutus IOANNES

ad scholas literis tendit informandus.

A principio Sapientiæ Timore inquam Domini
audacter in Scientias Divinas humanasque processit.

Illustre tum fuerat Pragæ studium

non tantum Bohemici Regni, sed & confinium Regnorum
cum commune atheneum

Caroli IV. Imperatoris fundatione opulentum
Professoribus & Discipulis crebrum.

In hoc IOANNES tam dextre studuit
ut laureas etiam mereretur Doctorales.
qui totum mente volvebat DEVM
facile in laureatum evasit Theologum
toto corde iustitiam dilexit.

magis in candido pectore quam in Corpore Iuris
habuit descriptam æquitatem

S. The: & Iuris utriusque Doctor proclamatur.

Quod erudierit ad iustitiam multos

Doctorale Caput ipsius signum est
inter radiantia Cæli radiantis quinque sidera Splendidum
lucens in perpetuum.

Hæc itaque Sancta eruditio gradus illi effecta fortunatissimus

ut in Pragenſe Sacrum Capitulum
an honoris ſui Capitolium conſcendiſſet.

Canonicus morum Canon, probitalis Idæa

Myſtes devotiſſimus

Aris cum profundo præſens cultu, ſuperis cum accenſo
Zelo, proximis cum fervente charitate.

Nempe

in omnium ſe obſequium ordinatum

autumans Presbyterum

inter Deum & Homines egit Mediatorem
dexterrimum.

*Sancta D. JOANNIS NEPOCENI
erga Beatissimam Virginem MARIAM
Devotio, & crebra in montem viri-
dem peregrinatio.*

Precibus Deiparæ impetratus, in Orbem
ut nasceretur, IOANNES (omnino in
preces) erga MARIAM debuit
esse promptissimus.

Quisq; suo principio multa debet
ita IOANNES cum vitam debuit MARIÆ,
etiam & totius vitæ dicasse illi debuit Orationes.

Felix Sanctaq; IOANNIS Oratio
nam quotidie Mariana.

Sancta suspiria, Sacra & vota
nam ad MARIAM Castrorū Aciem ordinatā
directè ordinata.

Proximus Pragæ Mons Viridis
Thaumaturga Virginis Beatissimæ Imagine
Celeberrimus

Sæpe IOANNEM ad se advocabat:
Ibi Sacris operari, preces fundere, DEVM pro Regno
deprecari IOANNI Solenissimum.

Ab Vrbe quam incolebat remotus

Ipse

323

Ipse IOANNES Civitas fuit
in hoc Monte, non abscondita.

Hac feria erga **MARIAM** devotione contra Averni
& mundi strenuè decertavit hostes, & semper
vicit gloriosè.

BB. 143.

Etiā & silendo triumphavit; quia ante multa
erga **MARIAM** piè dixit:
tacendo opposita argumenta refutavit
pro quo **MARIA**
apud supremum Tonantem,
contra adversam Illi Gigantomachiam,
non iam verba, sed fulmina; Virgineo ore detorsit.

Sancta Eleemosynarum in egenos Divi
IOANNIS NEPOMVCENI
distributiò.

Vocatus in aulam Regis.
Eleemosynarij Regij nanciscitur functionē
ad quam planè natus **IOANNES**, non assumptus;
hoc primum in votis habuit;
ut semper satisfaceret pauperum desiderijs.
Sua erogabat celeriter
pariter invitatus, & aliena promptè:
qui ex proprijs tenuibus beneficijs multa præstabat
non invenio rationem
quare ex Regijs tam amplissimis proventibus,
D. indi.

indigentia aliena quidquam denegaret;
 Gratia IOANNES, omnibus, sed maxime indigentibus,

praesentissima.

per eum aditus ad Regem felix,
 ad Regias gratias favoresq; apertus.
 Qui ferream fortunam per eam ad aures Regias detulit,
 auream reportavit;

qui se se Irum coram IOANNE confessus,

Cræsus mox exultavit.

Rex quidem dedit, sed ad preces per manus IOANNIS,
 aestimabaturq; ex æquo, ut liberalitas Regis.

In Manus IOANNIS,

certè dextre celsisset Regi

cum tali thesauri sui Dispensatore,

si post sinistre multa de Coniuge opinatus,

ex integerrimo Eleemosynario,

ob servatum Sanctæ Confessionis Poenitentiaë sigillum,

non fecisset Martyrem.

*Sanctus honorum in Divo IOANNE
 NEPOMVCENO contemptus*

In Sanctis summus honor,

contemptus honorum;

tum ascensum merentur, cum ad infima pro DEO

& proximo peragenda descendunt.

Non se Eliam, Moysen vel Messiam,

IOANNES Baptista, Phariseæ interrogationi respondit

vocem

325
vocem tantum Auræ fassus

eò nemo major surrexit.

NEPOMVCENO vilis de se æstimatio;

pretium conquiſiuit,

& dum honores fugeret, in Divi honoris loco,
fuga eundem ſtare fecit.

Offerebantur Prælaturæ, plura ad eum concurrebant beneficia;

hîs attolli minimè IOANNES cenſuit,

Verùm ſi officium aliquando offerebat ſe arduum,

hoc aggreſſus IOANNES fortiter,

minimè ad proventus conſequentes reſpiciens.

Invitabatur à VENCESLAO pluribûs tituliſ,

ut ſigillum Confeſſionis fregiſſet.

Abeant inquit honores, ſtet ſuus Sacramentò honos,

Pro læla Confeſſione maximæ opes accumulati honores,

productior ad decrepitum ſenium vita,

non videbantur NEPOMVCENO

Congrua ſatiſfactio.

*Sanctæ D. JOANNIS NEPOMV-
CENI Conciones.*

In vinea CHRISTI non mercenarium ſe ratus IOANNES,

ſemper fideliter laboravit,

omne opus aggreſſus, quod DEI Sacerdotem concernit.

Mercurius

quam conquiſiuit in Scholis eloquentiam

D2

eam

eam Sacros indutam sensus,
edocuit in Templis Ecclesiastes,

Verba Illius nonnisi sanam doctrinam sapiebant.

Hæresi (cui nullum verum svave) nociva

Fidei orthodoxæ, saluberrima.

Hic effectus verbis fuit, ut etiam duros peccatores
suo eloquiô emolliens

eos ad cognitionem suorum peccatorum
ad fundendas lachrymas cômoveret.

Tanta in Eo vis dicendi fuit, tantum in eloquendo robur
quia etiam in omni actione IOANNIS;
mira virtus cernebatur.

Prius ille docenda fecit & expressit in se proponenda

Tum deinde auditori patefecit
cûm quod pium, quod Sanctum perfecisset.

Gladius Verbum DEI

Lingua IOANNIS NEPOMVCENI acies

his omnia perplexa solvebantur;

hîs triumphî Eccefiæ parabantur militanti.

**Sancta Divi JOANNIS NEPO-
MVCENI Mors.**

Mors certa omnium spes & eventus,

nemini tamen in Orbe absq; singulari illaq; servili
advenit causa.

Datur passim ab hominibus in omnibus ratio obitûs,
licet

licet mors sit omnino singulis inevitabilis

De morte id sentiendum naturali hominis

Non violenta Martyris

Sponte mortuus IOANNES.

Mori maluit quam vivere labe peccati notatus;

connexa fata IOANNIS cum ejus exortu.

E lachrymis emerfit Parentum

aquis tandem submersus impiorum.

Dolebat una Domus quòd non nasceretur;

Indoluit tota Metropolis Bohemiæ Praga

quòd tam dolendo obitu mortuus.

Pænitentia utique secunda post Naufragium tabula

hæc IOANNI naufragium vitæ temporalis

sed portus æternæ extitit fortunatus.

De ponte præcipitatur

Qui nihil temere nihil præcipitanter egit invita

quia ubi silendum fuerat, non locutus

ubi tacendum ad Dei gloriam, ad proximi

servandum honorem planè obmutuit,

Augusta verè IOANNIS mors, suscepta pro Augusta

cessit uni Conjugi ad honorem

alteri ad perennem infamiam.

Hic Venceslaus Princeps fuerat

qui si tempore Ethnicorum imperasset

sufficeret pro Nerone.

imo magis in deterius

Nam non confessionem fidei sed Conscientiæ Catholicus Rex

extorquebat

solus corda novit DEVS
 quare in illa Cæsar imperium vendicabat,
 Verba Confessionis Sacræ Nummi inæstimabiles
 qui in censum Cæsari non penduntur
 tot vectigalia habuit Imperator.
 miser tributum verborum exposcebat.
 Submersi de Ponte Pragēsi IOANNIS hæc vindicta Divina
 fuit, detrusus trino Soliō Venceslaus
 Fide se illi tot Vrbes, tot Provinciæ ac Regna solverunt
 qui non confidens conscientiæ conjugali
 scire hoc voluit, quod nosse Sacrilegum illi,
 tacere verò IOANNI Sanctum in æternum.

*Sancta D. JOANNIS NEPOMV-
 CENI Lingua ab aliquot sæculis
 incorrupta.*

Totus IOANNES miraculum fuit cū viveret
 & est adhuc Lingua illius incorrupta quam miremur

Corpus aqua suffocavit

Terra in cineres resolvit

Linguae nec quidquam nocuit.

Scrutari non licet Divina mysteria

Sacramentum hic magnum est

& quidem Pœnitentiæ per IOANNEM integre conservatum.

Lingua hæc cū vixit, mortua

cū mortua est, vivit,

Cū

Cùm viveret tacuit, dicit cùm non vivit
 magnalia DEI.

Paucorum dierum taciturnitas miremini!
 tot iam sæculorum fit eloquentia
 in Schola silentij erudita.

Plusquam Tullius, Demosthenes, Hortensius
 ab alijs membris deserta

Suorum encomiorum disertissima

Innocentiam IOANNIS prædicat

Pestem honoris, livorem de tot Personis, Domibus, Urbibus;
 Provincijs pellit, & cum Sanguine recenti rubet
 evincit.

ut calumnia erubescens

ruborem innocuis non incutiat

Quid hic Hæresis in uno Circuli Germanici angulo
 & quidem Bohemiæ contiguo

enata dicis

si ossa Sanctorum adoranda colendaq; prohibes
 prohibe hanc laxam dicendi licentiam

Nam vivit adhuc contra Te Pragæ IOANNIS Lingua
 membrum expers ossium

Os Sacrilegum compescit Tuum

& ut fileas svadet, ne acrius contra Te
 vel in extremo Tribunali detonet

quæ tanta contra amicos DEI homines
 blatteras potius quam humanè dicis

Sancta Summorum Pontificum CLE-
MENTIS XI. INNOCENTII
XIII. & feliciter moderni Sanctissimi
Domini nostri BENEDICTI
XIII. erga D. IOANNEM
NEPOMVCENVM
benevolentia.

Suprema Orbis Vniverſi Capita
 quæ nihil in terris niſi Cæleſtia cogitant
 pridem in mente NEPOMVCENVM habuere.

Vocem populi, vocem DEI
 CLEMENS XI. exiſtimans
 Immemorabilem IOANNIS cultum approbavit,
 & qui ſupra ſuos Albanos montes
 Patritium ſidus fovebat.

Cum ſideribus, cumq; radiis IOANNEM exponi non negavit,
 Annuit, ut ſacra ejus ſublevarentur oſſa,
 ut per Regnum Bohemiæ & Dominia Domûs Auſtriacæ
 tam officia, quam Sacrificia Divina
 fierent, ſub hujus Patroni Nomine DEO grata

Latius eadem extendit,
 Sancta INNOCENTII XIII. liberalitas
 nempe per eum paris Beneficij

Tota Polonia & Magnus Ducatus Lithvaniæ compos
 Sacris NEPOMVCENVM votis dignari non deſiſtit

Verùm Coronidem tot Coronis
 Sanctiſſimus Dominus Noſter BENEDICTVS XIII.
 felici-

feliciter modernus Pontifex Maximus
voce populi olim Sanctum
talem ipse vivæ vocis oraculô declaravit.

Ad immortalia tot factorum suorum documenta
hoc certè non postremum addidit
cùm Famæ Tutelarem
in gloria esse per Solennem Canonizationē
demonstravit.

Sancta hujus Pontificis vox
inter colles Romanos edita
ad Turres nostras Cracias usq; refracta
tantos plausus in gratiam IOANNIS excitat?
quantum Austriæ Vienna, Bohemiæ Praga,
& aliæ per Europam Metropoles
vel maximè Austriaco debitæ Imperio
gestiant, con'jecite,
pariter omnes uni NEPO MVCENO obligatæ:

*Sanctus Sacratissima Cæsareæ Domus Au-
striacæ erga D. JOANNEM NE-
POMVCENVN Cultus.*

Eucharistico Numini ad stuporem Orbis Devota Domus,
ob non læsam Sanctæ Cofessionis integritatem
Martyri Divinissimo addictissima,
quòd Ecclesiæ Catholicæ Sacramenta enixe colat
F ipsa

122
1772 ipsa Mysterium est.

à RVDOLPHO Comite Hauspurgensi

tot Romanorum Imperatores, tot Hispaniarum Reges
Belgij Gubernatores, Austriæ ArchiDuces numerans

nec ab hostibus vincitur, nec à fatis

Erga IOANNEM NEPOMVCENVN quanto cultu

Leopoldus I. Pater, IOSEPHVS I. Frater ferretur

ex Sacratissimo LEOPOLDI Filio CAROLO VI

Fratre IOSEPHI & Sacratissima ELISABETHA.

Romanorum Imperatrice

Conjuge videat Orbis.

Illi pulsarunt Romam, ut Petrus Cælum vel fastos aperiret

interposuerunt authoritatem

ut Caput Orbis annueret

IOANNEM qui fuit, esse Sanctum:

ut optimus Christiani Orbis Pater

virtute magis quàm Nomine BENEDICTUS

Beatum IOANEM referret inter Sanctos;

retulit talem dixit

& vota

Cæsaris ac Cæsareæ Austriacæ Domus

satis abunde benedixit.

Sancta Eminentissimorū Sanctæ Romanæ

Ecclesiæ Cardinalium Cultûs D. JO-

ANNIS NEPOMVCENI

promotio.

Quod

Quòd Orbis Christianus
etiam portis Inferi contra urgentibus non labatur
inde est, quòd bene supra suos Cardines
revolvatur.

Eminentissimi S. R. E. Cardinales sunt
Selecta ex toto Orbe Purpuratorum Patrum Corona
summi Capitis indefessi humeri
Promptæ CHRISTI Sponsæ Ecclesiæ Romanæ
manus

Ex illis est

Eminentissimus Annibal ALBANVS S. R. E. Præsbyter Cardinalis
& Camerarius, Urbinas Archipræsbyter Basilicæ
Vaticanae, & Congregationis Fabricæ
Præfectus

suæ gentis decus. Poloniæ gloria & exultatio
nam Protector faventissimus

CLEMENTIS XI. Summi Pontificis Nepos
ut inter tot motus externos internosq; Poloniæ
Calorum arcuisset inclementiam.

Famæ Patroni IOANNIS cultum
officio & Missa impetratà

per Regnum & Magnum Ducatum Lithvaniæ extendit,
Legatus à Summo Pontifice ad Serenissimum AVGVSTVM
Regem Poloniarum, Saxoniae hæreditarium Ducem
quid non egit, quid non dextre perfecit
ut in Saxonia Lipsiæ in ipsa planè degenerum

Ecclesiæ Filiorum Patria

Ecclesia Sacris Romanis excitaretur
hanc nobis & augebit Patronus
Exules miremini per ducentos annos Sancti
per ipsum in Saxoniam rediere.

Ceremoniæ ritusq; ab Apostolis, alijsq; Sanctis Patribus
nobis per manus traditæ, ibi rejectæ
denuo Albano instante reassumptæ
Regni Poloniæ Protector, simul fidei ibi Promotor
ubi charitas erga Matrem Ecclesiam
extincta hæctenus plorabatur

sed
è pectore Regio & Ducali, fomite Albano
Cardinali, utinam Petri & Patruī Successore
reaccenditur.

Eminentissimi MICHAELIS FRIDETICI ex Comitib9
de Althan S. R. E. Præbyteri Cardinalis,
indefessa circa IOANNEM sollicitudo
omni summa celebrabitur ævø

Posuit in causis cur IOANNES assurgere deberet,
proposuit NEPOMVCENI miracula,
quæ dum Roma stuperet
Sanctos IOANNINI decrevit honores,
Nempe stetit pro Fama IOANNIS ille,
qui quæ unquam perfecit
effecit ostenditq; secum celeberrima
& totius scitu digna Vniversi

88335
Investiturá Neapolitana longo tempore
à Summis Pontificibus suspensa,
hoc interveniente
feliciter ad faustum deducta eventum,
quippe summæ authoritatis vir
ut sua Pontifici servaretur fides,
Cæsarís uti Neapolitani Regis nomine
in manus Pontificias reposuit juramentum,
Viennensis Austriæ Ecclesia,
ut supra alias emereret,
Metropolitanam fieri mira activitate
procuravit.

Parum fore ista fecisse in terris existimans
cum ipso egit MICHAEL Eminentissimus Cælo,
ut Sydereus ab ipsa innocua nece IOANNES
in fastos Sanctorum relatus
appareat in æternum triumphantis Ecclesiæ Luminare.

*Sancta Serenissimi A V G V S T I I I.
Regis Poloniarum & Serenissimi F R I -
D E R I C I Saxonie Ducis, tum Serenis-
simæ M A R I Æ I O Z E F Æ Conju-
gis pro D. I O A N N E N E P O -
M V C E N O promotio.*

Cognata polo vel Nomine Polonia,
G verum

336
verum Sanguine Bohemiæ Germana,

Imperij Romano Germanici Archimareschalco
Sceptra sua libere regenda concedens,
gaudet eundem

cum Serenissima stirpe sua habere pro poli Indigetibus

Intercessorem

pro quo Lechicæ gentis stator intercessit,
ut Regnum & M. Ducatus Lithvaniæ
sub NEPOMVCENI Nomine & Sacra celebraret,
& Mystarum ore officium decantaret.

Paris energiæ preces

Ad Sedem Apostolicam Vicariam CHRISTI potestatem fusæ
Serenissimi FRIDERICI & Mariæ IOZEFÆ Austriacæ

Ducum Saxoniae.

Hic pro Zelo erga Catholicam fidem nuper suscepto,
hæc pro Austriaco erga NEPOMVCENV M affectu

supplicarunt.

Vt pridem debita Sanctitatis Corona
illorum sæculò NEPOMVCENO poneretur.

*Indefessus Celsissimi Illustrissimi & Reve-
rendissimi D. FERDINANDI de Co-
mitibus Khunburg, Archi Episcopi Pra-
gensis, Legati Nati S. R. I. PRINCIPIS
Sacr: Cæs: Regiæq; Majestatis Intimi Con-
siliarij, & Inclijti Bohemiæ Regni Pri-
matis*

*matris, necnon CAROLO FERDI-
NANDÆ Universitatis Pragensis
perpetui Cancellarij, tum Per augusti Ca-
pituli Pragensis circa perducendam ad
felicem exitum Canonizationem D.
JOANNIS NEPOMV-
CENI labor.*

Viderunt Celsissimi Antecessores sui IOANNIS miracula
cū illa stuperent, moram agendis posuere.
Quò majora ac plura beneficia è Cælis largiebatur IOANNES
eò pene ipso suos honores retardabat
satis suæ Famæ absq; apotheosi providens
cū alienæ indies per tot sæcula succurrisset
nunc tandem oraculo BENEDICTI XIII.

19 Aprilis Anno 1729.

approbatus Sanctus

Cum Celsissimus Bohemæ Primas Gentilitios
Pontificijs honoribus adornatos
Campos aperuit.

Nunc inquam suprema Petri potestas ceu lydius lapis
pretiosam in Conspectu Domini

NEPOMVCENI mortem probavit,

Cū aureos Archi-Præsul Pragensis vibravit globos.

cui satis ad triumphum suppetet

dum quod alij solum de IOANNE in votis habuere

ipse feliciter videt in effectū.

Sub tessera D. VENCESLAI Ducis, & Martyris Bohemiæ
 militans DEO, militans Ecclesiæ
 Capitulum peraugustum Pragense
 iam vicit, dum Sanctum esse NEPOMVCENVUM
 dexterrimè evicit.

Præcipua in hoc sollicitudo fuit
 duorum Pragensium Prælatorum.

Perillustris & Reverendissimus LVDOVICVS Steter

Canonicus Cathedralis Pragensis

sublevationem Reliquiarum, extensionem Missæ

& officij pro Regno Bohemiæ obtinuit,

Illustrissimus & Reverendissimus

IOANNES RVDOLPHVS SPOREK Episcopus

Adratensis, Canonicus Cathedralis Pragensis

Ipsam Divi Apoteosim

eventu perquam felici coronavit

Sanctus Celsissimorum Pontificum, & a-
liorum Procerum Regni Polonia, tum
Prælatorum erga D. JOAN-
NEM Zelus.

Ab Vniuersali Ecclesia pro Sancto IOANNES susceptus,

communi id exposcebatur votò

non cessit alijs Regnis nostrorum Pontificū

ac Procerum pietas imo seriò institit

ut & Sacer cultus NEPOMVCENO ferretur, & idem

San

Sanctus vocaretur.

Celsissimus Illustrissimus & Reverendissimus Dominus THEODORVS in Potok POTOCKI, Archi-Episcopus Gnesnensis, Legatus Natus Regni Poloniae & M. Ducatus Lithuaniae Primas primusq; PRINCEPS.

Sedi Apostolicæ supplicem se dedit ut Regnum & Magnus Ducatus Lithuaniae missâ & officiô coluisset IOANNEM.

Celsissimi Illustrissimi & Reverendissimi D. CONSTANTINI FELICIANI in Szaniawy SZANIAWSKI, Episcopi Cracoviensis Ducis Severiæ, almae Universitatis Cracoviesis Cancellarij candor.

ut INNOCENTIAM IOANNIS reddat manifestam præter innumera pietatis documenta

Processum exhibuit

ut Solennior Divi in Urbem Cracoviam eveniret

Introductio.

tanto D. Indigetis plausu
adeft Ducalis Eques CZARTORYSCIVS

Q 11370

*Celsissimus & Excellentissimus Dominus
JOSEPHVS CZARTORYSKI,
Vexillifer M. D. Lithuaniae singu-
laris hujus Patroni Cultor.*

Cum Caeli sint eidem favorabiles, ille impensius
ut in IOANNEM gratiofus.

Inter pios manes verlatur quidem
In praesenti tamen saeculi nostri manet memoria:

*Celsissimus olim Illustrissimus & Reveren-
dissimus Dominus CASIMIRVS à
Lubna LUBIENSKI, Episcopus
Cracoviensis Dux Severiae.*

sub cujus olim Pastoralis cura
NEPOMVCENVVS in Orbe Cracio crevit cultus.
Reflorescit hic Roseus Praesul.

*Illustrissimus olim & Reverendissimus D.
MICHAEL in Słupow SZEMBEK,
Episcopus Paphensis Suffraganeus
Cracoviensis.*

Erga omnes Superos pius, in hunc praecipue devotus;
Ponderosum est pretium IOANNIS
igitur in stateram venit.

Illu.

*Illustrissimi & Reverendissimi MICHA-
ELIS KVNICKI, Episcopi Arfino-
ensis, Suffraganei Cracoviensis, Sancti
NEPOMVCENI Cultui Al-
tare dedicavit.*

Totum peraugustum Capitulum Cracoviense;
Pretiosæ speciosæq; Diœcesis Gemmæ
Mytris Tyarisq; aptissimæ
erga IOANNEM satis candidæ
e quarum numerosa serie

*Perillustis & Reverendissimus Dominus
M. JOANNES LVKINI, Juris
Vtriusq; DOCTOR & PROFESSOR, Ca-
nonicus Cracoviensis.*

Ecclesiastici & Literarij Orbis decus
D. Themidis fidelissimus Interpres
præmissa olim Statuæ hujus Sancti benedictione
bene sentire & dicere non cessat de IOANNE,
ad ipsum hujus Solennis actûs initium
ex Sacra D. ADALBERTI exedra
pro laudibus D. MARTYRIS disertus;

*Devota Almæ ac Celeberrimæ Universi-
tatis Cracoviensis erga D. IOANNEM
NEPOMVCENVUM propensio.*

Alma Studiorum MATER Universitas Cracoviensis

ex proprio voto

Tuæ Solennitati Studiofa plaudendi,

Semper Te magnum æternæ Sapientiæ Alumnum

Sanctarum virtutum Magistrum,

& cunctarum Scientiarum domicilium proficitur.

Cui Martyria insignito laureolâ

suas Scientificas prosternit laureas

In triumphalem Sanctæ Canonizationis Coronidem

propriam cum Sceptrafera Cruce

Tibi o magne DOCTOR submittit Coronam,

ut illi in indita regnanti Fama

Singulare protectionis Tuæ præbeas patrocinium.

Ad Poloniæ Incolas D. MARTYRI addictissimus

in Vrbe Urbium residens pertinet

quâ eruditione, quâ rerum agendarum dexteritate

Prælatus dignissimus

Perillustis & Admodum Reverendus D.

PETRVS ROBERTSON, Canonicus

Regularis Sancti Spiritus de Saxia, Ar-

chiHospitalis in Vrbe Romana

PRIOR dignissimus.

quò Sedi Apostolicæ propior

eo pro honore IOANNIS promovendo ardentior

eiusdē cum Patria, Cracia nempe Vrbe

Sensus & affectûs singularis sollicitudo

ut non

442 343

ut non aliter ab Orbe Polono IOANNES colatur
nisi Sanctus.

*Devotum Nobilissimi Magistratûs Craco-
viensis, totius Metropolis, & Confrater-
nitatis Literatorum erga D. JOAN-
NEM NEPOMVCENVM
piæ gratitudinis officium.*

Vt ad Septicolis Romæ montes
resonuit Sancta Pontificis de IOANNE vox;
illico ad Turres Cracias refracta
in plausus addictam IOANNI excitavit Urbem;
Regia expandit alas Aquila
ut Sanctum recipiat, qualem ab ipso Tonante exposcebat;
Cui in Circulo sui Vrbs clarissima præfixit locum,
ut ad ipsum omnium Civium vota colliment commodiùs.

Patres Patriæ digna tanto Senatu Nomina

Viri de Civibus selecti

pro susceptis suscipiendisq; à IOANNE gratijs
& pretiò & precibûs erga eundem effusi,
quam tamen Introductionis magnificentiam

spectator videt oculus,

adscribat industriæ & indefessæ solitudini vestræ
quinimo semel cæptæ, & nunquam desituræ
erga Divum NEPOMVCENVM pietati.

Nondum IOANNES Sanctus, & Sancté in D. ADALBERTI
ædibus à vobis cultus

Missarum frequentia, Altaris pro captu hujus Templi Magnificentia
pro Decreto Canonizationis Solennis gratiarum actio

ac tandem præsens plausibilis
 & futuris temporibus memoranda Introductio
 Vestra activitate comparet
 in honorem Martyris Divinissimi manifesta
 Dicata Cultui Mariano Confraternitas Literata
 pridem hujus Templi inquilina
 D. Martyris Socia
 Ad auroram solis Iustitiæ MARIAM
 etiam sydera admisit IOANNIS
 ut clariùs in medio Urbis
 lux ipsius devotionis
 tam coram advenis, quam coram Indigenis
 coramq; omnibus luceat hominibus;
 ab hoc Metropolitanæ Urbis centro
 prodeat indies qua latepatet in totam Poloniam
 Divi IOANNIS NEPOMVCENI
 Annò Domini MCCCLXXXIII. 16. Maj.
 è Ponte Pragensi
 pro non violato sed servato Sacrosanctæ Confessionis sigillo
 à VENCESLAO Bohemiæ Rege præcipitati

Martyris

Annò verò 1729. die 19. Martij vivæ vocis oraculò

S. D. N. BENEDICTI XII.

Sacra Apotheosi donati

F A M A, Triumphantis

SANCTIMONIAE.

